

武英殿聚珍版書

吳興府志卷之五

直齋書錄解題卷十八

宋 陳 振 孫 撰

別集類下

演山集六十卷

端明殿學士延平黃裳晁仲撰元豐二年進士第一人貴顯於崇觀死於建炎年八十有七方三舍法初行裳謂宜近不宜遠宜少不宜老宜富不宜貧不如遵祖宗科舉之制世傳以爲口實

景迂集二十卷

山齋書金角是 卷一
徽猷閣待制晁說之以道撰又本止刊前十卷說之
平生著述至多兵火散逸其孫子健哀其遺文得十
二卷續廣之爲二十卷別本刊前十卷而止者不知
何說也劉跂斯立墓誌景迂所撰見學易集後而此
集無之計其逸者多矣說之元豐五年進士元祐初
蘇文忠范太史曾文昭皆薦之坐元祐邪等廢棄靖
康末始爲從官卒於建炎三年慕司馬溫公爲人自
號景迂生

龜山集二十八卷

工部侍郎延平楊時中立撰時及從明道死當建炎四年年八十有七於程門最爲壽考

梁谿集一百二十卷

丞相忠定公昭武李綱伯紀撰父夔進士起家至右文殿脩撰黃右丞履之甥也綱娶吳園先生張根之女亦右丞外孫梁谿名集者脩撰葬錫山忠定嘗廬墓云

襄陵集二十四卷

尚書右丞襄陵許翰崧老撰元祐三年進士靖康初

入西府建炎爲丞轄與黃潛善輩不合而去

後湖集十卷

丹陽蘇庠養直撰其父堅伯固亦有詩名庠以遺澤畀其子而自放江湖閒東坡見其清江曲大愛之由是得名僧祖可正平號癩可者其弟也庠中子扶亦工詩有清苦之節庠紳之後頌之族

初寮集四十卷後集十卷內外制二十四卷

尙書左丞中山王安中履道撰安中年十四薦於鄉凡四舉乃登第爲中司受旨攻蔡京京子攸入禁中

日夕泣涕告于上安中亟改翰苑事遂止其自政府
出守燕京父子排之也然安中之進亦本由梁師成
始東坡帥定武安中未弱冠猶及師事焉未卒業而
坡去其後晁以道爲無極令安中旣第脩邑子禮用
長牋自言以新學竊一第爲親榮非其志也以道曰
爲學當謹初何患不遠到安中築室榜曰初寮其議
論聞見多得于以道旣貴顯遂諱晁學但稱成州使
君四丈無復先生之號矣甚哉籍湜不畔之難也

劉給事集五卷

山齋書錄解題 卷一
給事中劉安上元禮撰紹聖四年登第歷臺諫掖垣
瑣闥以次對歷三郡而終集中有彈蔡京疏

橫塘集三十卷

尚書右丞瑞安許景衡少伊撰亦嘗從程氏學建炎
初爲執政與黃汪不合罷建議渡江幸建康言者以
爲非是及下還京之詔景衡以憂卒於瓜洲未幾敵
騎奄至淮揚倉卒南渡

章貢集二十卷

祕書監章貢李朴先之撰紹聖元年進士坐言隆祐

之賢廢三十年蔡京欲強致之不屈靖康建炎之間
半歲五遷而病不能行以死其教授西京國子監也
程伊川與之甚厚然謂其太直以洛中風波爲戒朴
笑曰不意此言發于先生之口伊川爲之改容愧謝
其風節可畏也

歐陽脩撰集六卷

崇仁布衣贈祕閣脩撰歐陽澈德明撰澈死時年三
十一環溪吳沆哀其詩爲飄然集三卷而會稽胡衍
晉遠取其所上三書併刻之臨川倅廨

空青遺文十卷

直寶文閣南豐曾紆公卷撰紆布之子有異材建中靖國初布在相位奉詔爲景靈西宮碑紆之筆也建炎紹興之際將漕江浙入爲司農少卿知信衢州以卒汪彥章誌其墓孫仲益序其文王銍性之其壻也石林總集一百卷年譜一卷

尙書左丞吳郡葉夢得少蘊撰紹聖四年進士崇觀閒驟貴顯三十一歲掌外制次年遂入翰林中廢至建炎乃執政然財數日而罷平生所歷州鎮皆有能

聲胡文定安國嘗以其蔡頴南京之政薦于朝謂不當以宿累廢晚兩帥金陵當烏珠臨江移三山平郡寇其功不可沒也秦檜秉政欲令帥蜀辭不行忤檜意以崇慶節度使致仕其居在卞山奇石森列藏書數萬卷既沒守者不謹屋與書俱燼于火石林二字本出楚辭天問

石林建康集十卷

皆帥建康時詩文其初以所莅官各爲一集後其家編次總而合之此集其一也

石林審是集八卷

其門人盛光祖子紹所錄亦已入總集

浮溪集六十卷

翰林學士婺源汪藻彥章撰四六偶儷之文起於齊梁歷隋唐之世表章詔誥多用之然令狐楚李商隱之流號爲能者殊不工也本朝楊劉諸名公猶未變唐體至歐蘇始以博學富文爲大篇長句敘事達意無艱難牽強之態而王荊公尤深厚爾雅儷語之工昔所未有紹聖後置詞科習者益衆格律精嚴一字

不苟措若浮溪尤其集大成者也

翟忠惠集三十卷

參政丹陽翟汝文公巽撰汝文制誥古雅多用全句
氣格渾厚近世罕及夫人邢氏恕之女居實其弟也
長子耆年實邢出好古博文高尙不仕忠惠者私諡
也

鴻慶集四十二卷

戶部尙書晉陵孫覲仲益撰大觀三年進士政和四
年詞科代高麗謝賜燕樂表膾炙人口生元豐辛酉

卒乾道己丑蓋年八十有九可謂耆宿矣而其平生出處至不足道也嘗提舉鴻慶宮故以名集

呂忠穆集十五卷

丞相濟南呂頤浩元直撰後三卷爲燕魏錄雜記古今事卷末言金人敗盟始末甚詳

忠正德文集十卷

丞相聞喜趙鼎元鎮撰四字高廟所賜宸翰中語也

北山小集四十卷

中書舍人信安程俱致道撰俱父祖世科而俱乃以

外祖鄧潤甫蔭入仕宣和中賜上舍出身爲南宮舍人紹興初入西掖徐俯爲諫議大夫封還詞頭罷去後以次對脩史病不能赴而卒

陵陽集五十卷

中書舍人仙井韓駒子蒼撰自幼能詩黃太史稱其超軼絕塵蘇文定以比儲光義游太學不第政和初獻書召試賜出身後入西掖坐蘇氏鄉黨曲學罷

丹陽集四十二卷後集四十二卷

顯謨閣待制江陰葛勝仲魯卿撰紹聖四年進士元

符三年詞科洪慶善序其文有所謂絕郭天信

案郭天信

見宋史方技傳原本作大信誤今改正

拒朱勔慙盛章而怒李彥者蓋

其平生出處之略也再知湖州後遂家焉

尹和靖集一卷附集一卷

徽猷閣待制河南尹焞彥明撰子漸之孫年十九舉進士策問欲誅元祐黨籍不對而出遂罷舉靖康賜號和靖處士敵陷洛陽闔門遇害死而復蘇門人潛載以逃客涪州以范元長薦入經筵擢列侍從葬會稽山

綦北海集六十卷

翰林學士北海綦密禮叔厚撰工於四六秦檜初罷相密禮當制有御筆詞頭藏其家檜再相下台州追索時密禮已死幸不及禍

雲龕草堂後集二十六卷

參政鉅野李邴漢老撰明受之變以兵部侍郎直學士院叱責兇渠朝廷賴焉既復辟首擢執政周益公作神道碑言前後集一百卷今惟後集蓋皆南渡後所作也朱文公爲之序漢老樂靜右史之姪五世祖